



蘇文忠公集卷第十九

律詩一百二十首

赴英州磁湖峽阻風寄挑山居士張聖可五  
首

捍索桅竿立鬪空  
篙師酣寢浪花中  
故應管蒯知心  
腹弱纜能爭萬里風

我行都是退之詩  
真有人家水半扉  
千頃桑麻在船  
底空餘石髮挂漁衣

日輪亭午汗珠鎔  
誰識南訛長養功  
暴雨過雲聊一  
快未妨明月却當空

此生歸路愈茫然，無數青山水拍天。  
猶有小船來賣餅，喜聞墟落在山前。

卧看落月橫千丈，起喚清風得半帆。  
且並水村歌側過，人間何處不巉岩。

代書寄桃山居士張聖可

十日春寒不出門，不知江柳已搖村。  
稍聞泱泱流水谷，漸見青青沒燒痕。  
數畝荒園留我住，半甌濁酒待君溫。  
去年今日關山路，細雨梅花正斷魂。

次韻子由題王晉卿畫二首

老去君空見畫夢，中我亦曾游桃花。  
縱落誰見水到

人間伏流

山人昔與雲俱出，俗駕今隨水不回。  
賴我膏中有佳趣，一樽時對畫圖開。

又書晉卿畫四首

山陰陳迹

當年不識此清真，強把先生擬季倫。  
等是人間一陳迹，聚蚊金谷是何人。

雪谿乘興

谿山雪月兩佳哉，賓主談鋒夜轉雷。  
猶言不見戴安道，為問適從何處來。

四明狂客

毫端偶集一微塵何處谿山非此身狂客思歸便歸去更求勅賜枉天真

西塞風雨

斜風細雨到來時我本無家何處歸仰看雲天真藉笠旋收江海入蓑衣

題晉卿畫後

醜石半蹲山下虎長松倒卧水中龍試君眼力看多少數到雲峯第幾重

次韻子由書晉卿畫山水二首

誤點故教同子敬雜篇真欲擬湯休壠雲寄我山中信雪月追君溪上舟會看飛仙虎頭篋却來顛倒拾遺裘子美詩云天吳與短褐王孫辨作玄真子細雨斜風不濕鷗

此境眼前聊妄想幾人林下見真休我今心似一潭月君已身如萬斛舟看畫題詩雙鶴鬢歸田送老一羊裘明年兼與士龍去萬頃滄波沒雨鷗

席上別穎叔

使君九萬擊鵬鯤肯為陽關一斷魂不用寬心九千里安西都護國西門

再和有穎叔未有帥泚之命作扈駕詩載和之  
謂錢穆父作小詩寫之肩此穎叔穆父仲至  
皆和軾亦再賦請穎叔以此肩與此軾旋復  
迎勞語詩  
之必識也

餘刃西屠橫海鯨應予詩識是游魂歸來赴別陶弘  
景看挂衣冠神武門

次韻晉卿奉詔押高麗人燕射

北苑傳呼陞楯郎東夷初識令君香天山自可三箭  
取海國何勞一葦航宣勸不辭金盞側醉歸爭看玉  
鞭長錦囊詩草勤收拾莫遣鷄林得夜光

程德孺惠海中柏石兼辱佳篇輒復和謝

嵐薰瘴染却膚腴笑飲貪泉獨繼吳未欲連年收蕙  
滋肯教沉網取珊瑚不知度嶺三年別收得曹谿一  
滴無但指庭前雙柏石要予臨老識方壺

次韻秦少游贈姚安世

帝城如海欲尋難肯捨漁身到杏壇剝啄扣君容膝  
戶巍峩笑我切雲冠問羊獨恠初平在牧豕應同德  
曜看肯把參同較同異小窻相對為研丹

次韻錢穆父蔣穎叔從駕景靈宮二首

秋來歸鶴記城闔舊踏松枝雨露新半白不羞垂領  
髮軟紅猶戀屬車塵雨收九陌豐登後日麗三元下

降辰粗識君王為民意不才何以助精裡前輩戲語

月不如東華軟  
香土之語

與君並直記初元垂老還同入禁門玉殿齊班容小  
語霜庭稽首法微温病貪賜茗浮銅葉老怯香泉灩  
寶尊回首鵷行有人傑坐知羗虜是游魂

郊祀慶成

帝出乘昌運天心予太平文章三代繼制作七年成  
大祀乾坤合剛辰日月明泰壇朝掃地魄寶夜垂精  
仰御圓蒼蓋還觀海岳城北流吞朔易南極落攬搶  
升燎靈光答迴鸞瑞霧迎需雲徧枯槁解雨達勾萌

可頌非天德因箴亦下情民言知有酌帝誦本無聲  
富國由崇儉蕝年在好生無心斯格物克己自消兵  
化國安新政孤臣返舊耕還將清廟什留與野人賡

題贈田辨之琴姬

流水隨絃滑清風入指寒坐中有狂客莫近繡簾彈

六月六日以病在告獨遊湖上諸寺晚謁損  
之戲留一絕

示病維摩元不病在家靈運已忘家何須魏帝一丸

藥且盡盧仝七椀茶是日淨慈南屏惠昭小  
昭慶及此凡飲已七椀

重九日以病辭府宴來謁損之啜茶清話復

留小詩

湖上青山翠作堆  
葱葱鬱鬱氣佳哉  
笙歌叢裏衣袖  
身出雲水光中洗  
眼來白足赤鬚迎  
我笑拒霜黃菊  
為誰開  
明年桑苧煎茶處  
憶着衰翁首重回  
峻然有  
重九日

李鈗轄坐上分題戴花

二八佳人細馬馱  
十千美酒渭城歌  
簾前柳絮驚春  
晚頭上花枝奈老何  
露濕醉巾香掩冉  
月明歸路影  
婆娑  
綠珠吹笛何時見  
莫把斜紅挿皂羅

同前

半雨半晴寒食夜  
野酴醾發暗香來  
分無素手簪白羅  
髻且折霜蕤浸玉醅

送歐陽憲赴滑州韋城薄四首

鳳雛驥子日相高  
白髮蒼顏笑我曹  
讀盡牙籤二萬  
軸却未小邑試牛刀

出處年來恨不齊  
一樽臨水記分携  
乃江湖咫尺吾將  
老汝潁東流子却西

白馬津頭春水來  
白魚猶喜似江淮  
使君已復冰堂  
酒更勸重新畫舫齋

道傍垂白定沾巾  
正似當年綠髮新  
故國依然喬木

在典刑復見老成人

景貺履常屢有詩督叔弼季默唱和已許詩  
矣復以此句挑之

君家文律冠西京旋築詩壇按酒兵袖手莫輕真將  
種致師須得老門生明朝鄭伯降誰受昨夜條侯壁  
已驚從此醉翁天下樂還應一舉百觴傾文忠公贈蘇梅詩云  
我亦願助勇鼓旗謀其旁快哉天下樂一爵且百觴

梅花 岐亭道上見梅花贈季常

蕙死蘭枯菊已摧返魂香入嶺頭梅數枝殘綠風吹  
盡一點芳心雀啅開野店初嘗竹葉酒江雲欲落豆

稽灰明朝空向釵頭見病起烏雲正作堆絕綠

次韻景文見寄

淮上東來雙鯉魚巧傳詩信渡江湖細看墨落皆松  
瘦想見掀髯正鶴孤烈士家風安用此言生習氣未  
能無莫因老驥思千里醉後哀歌缺唾盃

和景文西湖席上

二老長身屹兩峯常撞大呂應黃鍾一暫辭鄴下劉公  
幹却見雲中陸士龍余此行將見舍弟白髮及憐君畧相類似  
青山許我定相從吾今官已六百石心愧當時邴曼容

和答馬忠正 景文西湖席上



坡陀巨麓起連峯積累當年慶自鍾靈運子孫俱得  
鳳慈明兄弟孰非龍河梁會作者雲別詩社何妨載  
酒從只有西湖似西子故應宛轉為君容

書興教浴室汝師題名紙尾用諸公韻三首  
半熟黃梁日未斜玉堂陰合手栽花却尋三十年前  
味未飯鍾聲已飲茶

夢覺還驚徠鄉音廊故人來炷影前香鬢鬢盡白成何  
事一帖空存老遂良

尺一東來喚我歸衰年已迫故山期文章曹植今堪  
笑却卷波瀾入小詩

次韻答黃安中林子中

老去心灰不復燃一麾江海意方堅那堪黃散付子  
度空弄蘇杭養樂天病肺一春難白酒別腸三夜繞  
朱絃群仙正欲吾歸去共把清酒借玉川

聽武道士彈賀若

清風終日自開簾涼月今宵肯共一簷琴裏若能知賀  
若詩中定合愛陶潛

次韻頴叔再賦端門觀燈

安西老守是禪僧到處應然無盡燈永夜出游從萬  
騎諸羌入看擁千層便因行樂令奴甲不用防秋更

打水振旅歸來還侍宴十分宣勸一志難勝

沐浴啓聖僧舍與德麟遊記

南山北澗兩非真東顧西湖迹已陳  
季子歸來初可喜老聃新沐定非人  
酒清不醉味味暖睡穩如禪息  
息勻自笑塵勞餘一念明年同泛越溪春

次韻穆父尚書侍祠郊丘瞻望天光退而相  
虞引滿醉吟一首

千章杞梓蔭雲天擗散誰收老鄭虜  
喜氣到君浮白裏豐年及我挂冠前  
冷巖鍾鼓三更月野宿猿猴萬  
絕煙太息何人知帝力歸來金帛看  
顏肩

次韻穆父穎叔仲至詩三首

見和西湖月下聽琴

謾謾松下風藹藹壠上雲聊將竊比我不堪持寄君  
半生寓軒冕一笑當琴樽良辰飲文字晤語無舊薰  
我有鳳鳴枝背作蛇蚓紋月明委靜照心清得奇聞  
當呼玉澗手一洗羯鼓昏請歌南風曲猶作虞書渾

家有雷琴甚奇古玉澗道人  
崔閑妙於雅聲當呼使彈

見和仇池

上窮非想亦非非下與風輪共一癡  
翠羽若知牛有角空瓶何必芥之湄  
還朝暫接鴛鴦翼謝病行收麋

鹿姿記取和詩三益友他年弭節過仇池

玉津園

承平苑囿雜耕桑六聖勤民計慮長碧水東流還舊  
派玉津台蔡河上紫壇南峙表連岡不逢遲日鶯花  
亂空想疎林雪月光千畝何時躬帝籍斜陽寂歷鎖  
雲莊

四十年前元夕與故人夜遊得此句

午夜朧朧淡月黃夢回猶有暗塵香縱橫滿地霜槐  
影寂寞蓮燈半在亡

戲孫公素

投扇昔年笑溫嶠握刀晚歲戰劉郎不須戚戚如馮  
衍便與時時說李陽

題畫毛女仙

霧鬢風鬟木葉衣山川良是昔人非祇應閑過商顏  
老獨自吹簫月下歸

次韻樂著作野步

老來幾不辨西東秋後霜林且強紅眼暈見花真是  
病耳虛聞蟻定非聰酒醒不覺春強半睡起常驚日  
過中植杖偶逢為黍客披衣閑詠舞雩風仰看落盡  
收松粉俯見新芽摘杞叢楚雨還昏雲夢澤吳潮不

到武昌宮

黃州對岸武昌宮廢興古郡詩無數寂寞閑

窻易粗週解組歸來成二老風流他日與君同

怡然以垂雲新茶見餉報以大龍團仍戲作

小詩

妙供來香積珍烹具太官揀芽分萑舌賜茗出龍團

曉日雲庵暖春風浴殿寒聊將試道眼莫作兩般看

一雪後便欲與同僚尋春一病彌月雜花都盡

獨牡丹在耳劉景文左藏和順閣黎詩見贈

殘花怨久病剩雨泣餘妍不見雙旌出空令九陌遷

次韻答之

開國市

知君苦寂寞妙語嚼芳鮮淺紫從爭發浮紅

任早薦天葩尚青萼四色待華顛載酒邀詩將臞儒

不是仙

書劉景文所書瓶宗少文一筆畫

宛轉回紋錦縈盈連理花何須郭忠恕匹素畫繅車

真覺院有落花時不暇往四月十八日與

劉景文同往出真枇杷

綠暗初迎夏紅殘不久春魏花非老伴盧橘是鄉人

井落依山盡岩崖發興新歲寒君記取松雪看蒼鱗

題揚次公蕙

蕙本蘭之族依然臭味同曾為水仙佩相識楚詞中  
幻色雖非實真香亦空竟空云何起微馥鼻觀已先通

和蕭倅韻二首

生還粗勝虞早退不如踈垂死初聞道平生誤信書  
風濤驚夜半疾病送火餘賴有蕭夫子幽懷得少摠  
心閒詩自放筆老語翻踈贈我皆強韻知君得異書  
滔滔沮叟是綽綽孟生餘一笑滄溟側應無恨可摠

入日惠州偶作二首

曉雨暗人日春愁連上元水生挑菜渚煙濕落梅村  
晚市人歸盡孤舟鶴踏翻猶堪慰寂寞漁火亂黃昏

北渚集群鷺新年何所之盡歸喬木寺分占結巢枝  
生物會有役謀身要及時何當禁畢弋看引雪衣兒

發廣州

朝市日已遠此身良日如三盃軟飽後一枕黑甜餘  
蒲澗踈鍾外黃灣落不初天涯未覺遠處處各樵漁

南康望湖亭

一本云過洞庭

八月渡長湖蕭條萬象踈一本云瀟湘景物踈秋風片帆急暮

靄一作一一山孤許國心猶在康時術已虛一作術業岷峨

家萬里投老得歸無

半山亭

登嶺勢巍巍蓮峯太華齊凭欄紅日早回首白雲低  
松柏月中老猿猴物外啼禪師吟絕後千古指人迷

偃耳山

突兀隘空虛他山摠不如君看道傍石盡是補天餘

謫居偃耳獨覺惘然枕上賦倦夜一首

歌枕厭長夜小窻猶未明孤村一犬吠殘月幾人行  
衰鬢久已白旅懷空目清荒園有絡緯虛織竟何成

鬱孤臺謫惠州過度館作此

八景見圖畫鬱孤如舊游山為翠浪湧水作玉虹流  
日麗崆峒曉風酣章貢秋丹青未變葉鱗甲欲生洲

嵐氣昏城樹灘聲入市樓煙雲侵嶺路草木半炎州  
故國千峯外高臺十日留他年三宿處準擬繫歸舟

陽行先見和借此韻奉酬

室空惟法喜心定有天游摩訶元無病須洎不入流  
苦嫌尋尺枉坐待寸田秋雖不麒麟閣已逃鸚鵡洲  
酒醒風動竹夢斷月窺樓衆壘元德秀自稱陽道州  
拔葵終相魯辟穀會封留用舍俱無礙飄然不繫舟

用前韻和霍朝請

文字先生飲謂劉江山清獻游典刑傳父老樽俎繼  
風流度嶺逢梅雨還家指麥秋自慚鴻雁侶爭集稿

梁洲野闊橫雙嶂練作城堅倚聳作百樓行看鳳尾  
詔却下虎頭州君意已吳越我行無去留歸塗應食  
粥乞米使君舟

次韻和許朝奉

高門元世舊客路晚追游清絕聞詩語踈通豈法流  
傳家有衣鉢斷獄盡春秋澣迨陪早馬尋芳謝眺洲  
淒涼望鄉國得句仲宣樓恨賦投湘水悲歌祀柳州  
如何五字律相與一樽留更約登臨一作外歸時月  
滿舟

虔守霍朝奉監郡許朝奉見和復次前韻

大邦安靜治小院得閑游贛水雨已漲廉泉春未流  
同烹貢茗雪一洗瘴茅秋秋思生尊鱸寒衣待橘洲  
揚雄未有宅王粲且登樓老境無多日歸心夢幾州  
敢因逃酒去端為和詩留舊篋蒞新語清風自滿舟  
建中靖國元年正月復過虔再次前韻

吾生如寄耳嶺外亦閑遊贛石三百里寒江尺五流  
楚山微有霰越瘴久無秋望斷橫雲嶠魂飛吃雪洲  
曉鐘時出寺暮鼓各鳴樓歸路迷千嶂勞生閱百州  
不隨猿鶴化甘作賈胡留只有貂裘在猶堪買釣舟  
和江晦叔小雨遽晴

人老家何在龍眠雨未驚酒船回太白謂器稚子候  
淵明韻幸與登仙郭亦謂器同依坐嘯成小樓看月上  
劇飲到參橫

再和晦叔留客之什然雨意已息庶幾行有  
日兼呈器之

鍾鼓江南岸歸來夢自驚浮雲世事改孤月此心明  
雨已傾盆落詩仍翻水成二江爭送客木杪看橋橫  
和孫叔靜寄才甫弟

病骨瘦欲折衰髯蕭更疎喜聞新國政兼得故人書  
秉燭真如夢傾盃不敢餘天涯老兄弟懷抱幾時

器之喜談禪而倦游山山中筍出戲語器之  
同去叅玉版和尚去來乃作此句

叢林真百丈法嗣有橫枝不怕石頭路來叅玉版師  
聊憑柏樹子與問擇龍兒瓦礫猶能說此君那不知  
次韻聞復上人

前身本同社宿業獨臨邊一悟鏡空老始知圓澤賢  
歸心忘攢佩生術寄羊鞭不似歐陽子空留六一泉  
宋復古畫瀟湘晚景圖三首

西征憶南國堂上畫瀟湘照眼雲山出浮空野水長  
舊游心自省信手筆都忘會有衡陽客來看意渺茫



落落君懷抱山川自屈蟠經營初有適揮洒不應難  
江市人家少煙村古木攢知君有幽意細細為尋看  
咫尺殊非少陰晴自不齊徑蟠趨後崦水會赴前溪  
自說非人意曾經入馬蹄他年宦遊處應話劍山西

湖上餞別

老守惜春意主人留客情官餘閑日月湖上好清明  
新火發茶乳溫風散粥餠酒闌紅杏暗日落大堤平  
清夜除燈坐孤舟擘岸撐送君情未已對此月猶橫  
一作速君  
憤未寤

澹州二首

小邑浮橋外青山石岸東茶槍燒後出來浪水前雲  
萬戶不禁酒三年真識翁結茅來此佳處晚有誰同  
荔子幾時熟花頭今已繁探春先揀樹買復欲論園  
居士常携客參軍許扣門周參軍家明年更有味懷  
抱關諸孫一云帶

新年

海國空自暖春山無限清水深紛瘴雨雪困到江城  
更待輕雷作先催凍筍生豐湖有藤菜似可敵尊羹  
海上道人傳以神守氣訣  
但向起時作還於作處收蛟龍莫放睡雷三响直須休

要會無窮火嘗觀未盡油夜深人散後惟有一燈留

曹溪夜觀傳燈錄燈花落一僧字上口占

山堂夜岑寂燈下看傳燈不覺燈花落茶毗 箇僧

贈包安靜先生三首

皓色生甌面堪稱雪見羞東坡調詩腹今夜睡心應休

偶謂大不中精蘆中故以烹之

建茶三十片不審味如何奉贈包居士僧房黝睡魔

昨日點日注極佳點此復云

野菜初出珍又珍送與安靜病酒入便須起來 和熟

喫不消洗面裹頭巾

杭州次周素韻遊天竺觀激水

道眼轉丹青常於寂處鳴早知雨是水不作兩般聲

圓硯寄阿虎

皎皎穿雲月團團弄水荷文章工黠黠忠義老研磨  
偉節何須怒寬饒要少和吾衰無所用寄與小東坡

過海得子由書

經過廢來久有弟忽相求門外三竿日江關一葉秋  
蕭疎悲白髮浪浪散窮愁世事江聲外吾生幸且休

去歲與子野游逍遙堂日欲沒因並西山叩羅

浮道院至已二鼓矣遂宿于西堂今歲索居

僂耳予野復來相見作詩贈之

往歲追歡地寒窻薄不成笑談驚半夜風雨暗長檠  
鷄唱山椒曉鍾鳴霜外聲只今那復見鬢鬢似三生

元祐五年十二月十二日同景文義伯聖途  
次元伯固仲蒙游七寶寺題竹上

結根豈殊衆修柯獨出林孤高不可恃歲晚霜風侵  
泗州過倉中劉景文老兄戲贈一絕

既聚伏波米還數魏舒籌應笑蘇夫子僥倖得湖州  
戲題巫山縣用杜子美韻

巴俗深留客吳儂但憶歸直知難共語不是故相違

東縣聞銅臭一陵換袂衣丁寧一峽雨慎莫暗朝暉

萬古他池穴一心負雪堂殷勤竹一林詠猶得比山王

答晁以道索書

閱世真難記一公自不忘其於書一太簡正以懶相妨

折揚新曲萬一趨獨和先生于一韻并寄茶二十一片

號儒索棣一天下士芙蓉曾列一海一鄆不立霧合

埋松柏終恐一梁荷棟桴高論無一窮一窟屑小詩有

味似連珠感石生日遙稱壽祝我公老不枯未  
報君青玉案建溪新餅截雲腴

大老上可竹間閣子

殘花帶葉暗新筍出林香但見竹陰綠不知沂水黃  
樹高傾隴鳥心浚落河魴栽種自辛苦孤僧瘦欲死  
惠州上守東堂祠故相陳文惠公堂下有公  
手植竹一枝一株郡人謂之將軍樹今歲大熟  
嘗嚼之餘下及吏卒其有向不可致者縱猿取之  
丞相祠堂下將軍大樹倚炎雲斷火實瑞露酌天漿  
爛紫垂先熟紅挂遠揚分甘遍鈴下也到黑衣郎

贈何道士

安心守玄牝閉眼覓黃庭問疾來三客澆愁有半瓶  
風松時落盡病鶴不梳翎樽空我歸去山月伴君醒  
和廬山上人竹軒

和劉景文雪

洞外復空中千千萬萬同勞師向竹頌清是阿誰風  
占雨又得雪龜寧欺我哉似知吾輩喜故及醉中來  
童子愁冰硯佳人苦凍膠作孟那堪李常侍入蔡夜  
銜枚

款塞來享

蠢爾氏羌國天誅亦久稽既能知面內不復議征西  
斤候銷烽火邊城息鼓鼙輸忠脩貢職棄過為黔黎  
雪滿流沙靜雲沉太白低魏魏二聖治盛德古難齊

觀臺

三界無所住一臺聊自寧塵勞付白骨寂照起黃庭  
殘磬風中嫋孤燈雪後青須防童子戲投瓦犯清冷

吳江岸

曉色薰秋色蟬聲雜鳥聲壯懷銷鑠盡回首尚心驚  
嘲子由

唯几盡埃簡攻之如蠹虫誰知聖人意不在古書中

曲盡絃猶在器成機已空妙哉斲輪手堂下笑桓公

暮歸

牛羊久已下寂寞掩柴扉水鶴鳴城堞飛螢上戟衣  
夜涼江海近天闊斗牛微何日招舟子寒光北渡歸

題扇

絕島煙生樹秋江浪拍空憑君添小艇畫我作漁翁

題峽山

孤舟轉岩曲古寺出雲梢岸迫鳥聲合水平山影交  
堂虛泉漱玉砌靜筭遺苞我為圖名利無因此結茅  
訪散老不遇

君來不遇我我到不逢君  
古殿依脩柏寒花對暮雲  
出局偶書

急景歸來早窮陰晚不開  
傾盃不能飲待得卯君來  
今日局中早出陰晦欲雪而子由在戶部晚出作  
此絕句忽記十年前在彭城時三定國來相過  
留十餘日還南都時子由為宗幕定國臨去求  
家書僕醉不能作獨書一絕付之云王郎西去  
路漫漫野店無人霜月寒淚滿粉牋書不得憑  
君送與卯君看卯君子由小名也今日情味雖  
差勝彭城不若同歸林下夜雨對床乃為樂耳

元祐三年十月二十三日

用過韻冬至與諸生飲酒

小酒生黎法乾糟瓦盎中芳辛知有毒滴瀝取無窮  
凍醴寒初泫春醅暖更饒華夷八兩樽合醉笑一歡同  
里閉我山北田園震澤東歸期那敢說安訊不曾通  
鶴髮驚全白犀圍尚半紅愁顏解符老壽耳鬪吳翁  
得穀鵝初飽亡猫鼠益豐黃蚶豈收土芋蒼耳斫霜叢  
兒瘦緣儲藥奴肥為種菘頻頻非竊食數數尚乘風  
河伯方誇若靈媧自舞馮歸途陷泥淖炬火燎茅蓬  
滕上王文度家傳張長公和詩何醉墨戲海亂群鴻

無題

六秩行當啓區中緣更疎不貪為我實安步當君車  
故國多喬木先人有弊廬誓無閑散好不着一行書

元祐九年立春

熊白來山北猪紅削劍南春盤得青韭臈酒寄黃柑

大風留金山兩日

塔上一鈴獨自語明日顛風當斷渡朝來白浪打蒼  
崖倒射軒窗作飛雨龍驤萬斛不敢過漁艇一葉從  
掀舞細思城市有底忙却笑蛟龍為誰怒無事久留  
童僕恠此風聊得妻奴子許瀟山道人獨何事半夜不

蘇軾詩

萬松亭 并序

麻城縣令張毅植萬松於道周以庇行者且以名  
其亭去未十年而松之存者十不及三四傷來者  
之不嗣其意也故作是詩云

十年栽種百年規好德無人助我儀

古語云一年之

年之計樹之以德

縣令若同倉庾氏亭松應長子

孫枝天公不救芥斤厄野火解怜冰雪姿為問幾株  
能合抱慇懃記取角弓詩

張先生

并序

先生不知其名黃州故縣人本姓盧為張氏所養  
陽狂垢汙寒暑不能侵常獨行市中夜或不知其  
所止往來者欲見之多不能致余試使人召之欣  
然而來既至立而不言與之言不應使之坐不可  
但俯仰熟視傳舍堂中久之而去夫熟視傳舍者  
是中竟何有乎然余以有思惟心追躡其意蓋未  
得也

熟視空堂竟不言故應知我未天全肯來傳舍人皆  
說能致先生子亦賢脫屣不妨眠糞屋流澌爭看塔  
冰川士庶豈識挑椎妙妄意種量未必然

扶風天和寺

遠望若可愛朱欄碧瓦溝聊為一駐足且慰百回頭  
水落見山石塵高昏市樓臨風莫長嘯遺涕浩難收



蘇文忠公集卷第二十

律詩一百十首

訪張山人得山中字二首

魚龍隨水落猿鶴喜君還  
舊隱丘墟外新堂紫翠間  
野麋馴杖屨幽桂出榛菅  
洒掃門前路山公亦愛山

張故居為大水所壞  
新卜此室故居之東

萬木鎖雲龍  
名天留與戴公路  
迷山向背人在瀼西  
東薺麥餘春  
雪櫻桃落晚風入城都不記  
歸路醉眠

中

次韻王庭老和張十七九日見寄

霜葉投空雀啣籬上樓筋力強扶持對花把酒未甘  
老膏面染頰聊自欺無事亦知君好飲多才終恐世  
相縻請看平日銜捩口會有金椎為控願

初入廬山三首

青山若無素偃蹇不相親要識廬山面他年是故人  
山南山面也

自昔懷清賞神游杳藹間如今不是夢真箇在廬山  
芒屨青竹杖自挂百錢游可恠深山裏人人識故侯  
再贈常州報恩長老

薦福老懷真巧便淨慈兩本更尖新憑師為作鐵門

限準備人間請話人

卧病弥月聞垂雲花開順閣梨以詩見招次

韻答之

道人心似水不礙百照一作花妍燕坐春強半清陰月  
屢遷平生無起滅一念有陳鮮嫋嫋風枝舉離離日  
蓋薦病吟終少味老醉不成顛何必遨頭出湖中有  
散仙

再和林子中蒜山亭詩并答楊次公

毗盧海上妙高峯二老遙知說此翁聊復艤舟尋紫  
翠不妨持節散陳紅高懷却有雲門興好句真傳雪

實風唱我三人無譜曲馮夷亦合舞幽宮

聞洮西捷報

漢家將軍一文佛詔賜天池八尺龍露布朝馳玉關  
塞捷書夜到甘泉宮似聞指揮築上郡已覺談笑無  
西戎牧臣不見天顏喜但驚草木放一作皆春容

和子由言拔白之驗一作月中孤頭韻

夏畦流膏白雨翻北窓幽人卧羲軒風輪曉長春箒  
節露珠夜上秋禾根從來白髮有公道始信丹經非  
妄言此身法報本無二他年妙絕兼形魂

三萼牡丹

風雨何年別留真向此邦至今遺恨在巧過不成雙

已未十月十五日獄中恭聞太皇太后不

豫有赦作詩

庭栢陰陰畫掩門烏知有赦開黃昏漢宮自種三生  
福楚客還招九死魂縱有鋤犁及田畝已無面目見  
丘園只應聖主如堯舜猶許先生作正言

題李景元畫

聞說神仙郭恕先醉中狂筆勢瀾翻百年寥落何人  
在只有華亭李景元

遇定國有感并引

某在彭門與定國九日黃樓之會今復以是日相遇于宗凡十五年憂樂出處有不可勝言者而定國學道有得百念灰冷而顏益壯顧予方衰病感之作詩

菊酸莫囊自古傳長房寧復是臞仙應從宋武橫刀日數到劉公戲馬年對玉山人雖老矣見恒河性故依然王郎九日詩千首今賦黃樓第二篇

謝人惠雲巾方馬二首

燕尾稱呼理未便剪裁雲葉却天然無心只是青山物覆頂宜歸紫府仙轉覺周家新樣俗後頭起未容

陶令舊名傳鹿門佳士勤相贈黑霧玄霜合比肩襲

美贈天隨子詩云掩歛乍疑裁黑霧輕明渾似帶玄霜

胡鞞短勒格麓踈古雅無如此樣殊妙手不勞盤作

鳳晉永嘉鞞輕身只欲化為鳧魏風褊儉堪羞葛楚

客豪華可笑珠擬學梁家名解脫賦帝作便於禪坐

作跣趺

贈廬山宣秘大師道通

雄豪而妙苦而腴只有琴聰與蜜殊語帶煙霞從古

少李白云他文如氣含蔬笋到公無蔬笋以言

香林乍喜聞蒼苔古井唯愁一作斷轆轤為報韓

公莫輕許從今島可是詩奴島可事見張江集錢塘  
加放安州仲殊詩敏捷而  
工妙絕人遠甚辟殺突塞

儋州上元過子赴使君會

使君置酒莫相違守舍何妨獨掩扉卧看月牕蟠蜥  
蟻靜聞風慢落蜘蛛燈花結盡吾猶夢香篆消時汝  
欲歸回首淒涼十年事傳柑歸遺滿朝衣

儋耳寄子由

燈燼不挑垂暗藥香爐重撥尚餘薰狂風欲發鴉翻  
樹缺月初升犬吠雲閉目此生新活計隨身孤影舊  
知聞雷州別駕應危坐跨海清光與子分駕一作時

雷州別駕

謝宋漢傑惠李承晏墨

老松燒盡結輕花妙法來從北李家翠色冷光何所  
似牆東鬢髮隨寒鴉

被命南遷塗中寄定武同僚

人事千頭及萬頭得時何喜失時憂只知紫綬三公  
貴不覺黃梁一夢遊適見恩綸臨定武忽遭分職赴  
英州南行若到江干側休宿潯陽舊酒樓

李委吹笛并引

元符五年十二月十九日東坡生日也置酒赤壁

磯下踞高峯俯鵲巢酒酣笛聲起於江上客有郭  
石二生頗知音謂坡曰笛聲有新意非俗工也使  
人問之則進士李委聞坡生日作新曲曰鶴南飛  
以獻呼之使前則青巾紫裘要笛而已既奏新曲  
又快作數弄嘹然有穿雲裂石之聲坐客皆引滿  
醉倒委袖出嘉紙一幅曰吾無求於公得一絕句  
足矣坡笑而從之

山頭孤鶴向南飛載我南遊到九疑下界何人也吹  
笛可憐時復犯龜茲

書衮儀所藏惠崇畫二首

兩兩孤鴻欲破群依依還似北歸人遙知朔漠多風  
雪更待江南半月春  
竹外桃花三兩枝春江水暖鴨先知萋萋滿地蘆芽  
短正是河豚欲到時

次韻徐得之常與余約卜隣於江淮間將赴  
登州同舟至山陽以詩見送留別

別時酒盞照燈花知我歸期漸有涯去歲渡江萍似  
斗今年並海棗如瓜多情明月邀君共無價青山爲  
我賒千首新詩一竿竹不應空釣漢江槎

哭王子立次兒子迨韻三首

彭城初識子照眼白而長異夢成先兆清言得未嘗  
豈惟知禮意遂欲補詩亡咄咄真相逼諸生敢鴈行  
非無伯鸞志獨有子雲悲恨子非天合猶能使我思  
兒曹莫淒動老眼欲枯萎會哭皆豪傑誰為感舊詩  
龍困嘗魚服羊僕或虎蒙忽忽成鬼錄憤憤到天公  
偶落藩牆上同游弄榘中回看十年事黃葉卷秋風

書黃筌畫翎毛花蝶圖二首

短翎長喙喜喧卑曳練雙翔亦自竒  
賴有黃鸝鬪嬛好獨依蘚石立多時  
綠陰青子已愁人忍見中庭燕麥新  
怊惆劉郎今白

首時來看卷覓餘春

次韻王定國得晉卿酒相留夜飲

短衫壓手氣橫秋更着仙人紫綺裘  
使我有名全是酒從他作病且忘憂  
詩無定律君應將醉有真卿我可  
侯且倒餘樽盡今夕睡地已死不須  
鉤

偶於龍井辨才處得歛硯甚竒作小詩

羅細無文角浪平半丸犀壁浦雲泓  
午窻睡起人初靜時聽西風拉瑟聲

秋晚客興

草滿池塘霜送梅疎林野色近樓臺  
天圍故越侵雲

盡潮上孤城帶月迴  
客夢冷隨楓葉斷  
愁心低逐鴈聲來  
流年又喜經重九  
可意黃花是處開

陳伯比和回字復次韻

曰里馮生寧屑去  
湖海陳侯猶肯來  
詩書好在家四壁  
蒲柳翦然城一隈  
騎上下山亦踈矣  
儵從容出何爲哉  
市橋十步即塵土  
晚雨瀟瀟殊未回

廣陵後園題中公扇子

露葉風枝曉自勻  
綠陰青子淨無塵  
閒吟遠屋扶踈句  
須信淵明是可人

山光寺回次芝上人韻

開裏清遊借隙光  
醉時真境發天藏  
夢回拾得吹來句  
十里南風草木香

與道源游西莊遇齊道人同往草堂為齋書

此

桑麻已零落  
藻荇復銷沉  
園宅在人境  
歲時傷我心  
強穿南埭路  
遙望北山岑  
欲與道人語  
跨鞍聊一尋

寒食夜

漏聲透入碧窻紗  
人靜鞦韆影半斜  
沉麝射不燒金鴨  
冷淡雲籠月  
照梨花

答子勉三首



君不登郎省還應上諫坡才高殊未識歲晚幸無他  
捱馬羸難出鄰鷄凍不歌寒爐餘幾火灰裏撥陰何  
驚人得佳句或以傲王公處士還清節滑稽安足雄  
深沉似康樂簡遠到安豐一點無俗氣相期林下風  
欲舞腰身柳一窠小梅摧拍大梅歌舞餘片片梨花  
落爭奈當塗風物何

送楊奉禮

譜牒推關右風流出靖恭時情任險陂家法故雍容  
南去河千頃楸枿中餘惟酒一鍾更誰哀老子令得  
放踈慵

別東武流杯

莫笑官居如傳舍故應人世等浮雲百年父老知誰  
在唯有雙松識使君

走筆謝呂行甫惠子魚

卧沙細肋吾方厭通印耳魚誰肯分好事東平貴公  
子貴人不與與蘇君

孔周翰嘗為仙源令中秋夜以事留於東武  
官舍時陳君榮右王君建中皆在郡其後十  
七年中秋周翰持節過郡而二君已亡感時  
懷舊留詩於壁又其後五年中秋軾與客飲

干超然臺聞周翰乞此郡客有誦詩者乃次  
其韻二篇以為他日一笑

壞壁題詩已五年故人風物兩依然定知來歲中秋  
月又照先生枕麴眠

更邀明月說明年記取孤吟孟浩然此去宦遊如傳  
舍揀枝驚鵲幾時眠

和子由懷舊澗池

人生到處知何似應似飛鴻踏雪泥泥上偶然留指  
爪鴻飛那復計東西老僧已死成新塔壞壁無由見  
舊題往日崎嶇還記否路長人困蹇驢嘶往歲馬死於二陵騎

驢至  
池

留題延生觀後山上小堂

溪山愈好意無厭上到巉巖第幾尖深谷野禽毛羽  
恠上方仙子鬢眉纖不慙弄玉騎丹鳳應逐嫦娥駕  
老蟾澗草岩花自無主晚來蝴蝶入疎簾

留題仙游潭中興寺寺東有玉女洞洞南有  
馬融讀書石室過潭而南山石益奇潭上有  
橋畏其險不敢渡

清潭百尺皎無泥山木陰陰谷鳥啼蜀客曾游明月  
峽秦人今在武陵溪獨發書室窺岩竇還訪仙姝款

石閨猶有愛山心未至不將雙脚踏飛梯

石鼻城

平時戰國今無在陌上征夫自不閑北客初來試新  
險蜀人從此送殘山獨守昏月朦朧裏愁渡奔河蒼  
莽間漸入西南風景變活邊脩竹水潺潺

樓觀

秦始皇始立老子廟於觀南至晉惠始脩此觀

門前古碣卧斜陽閱世如流事可傷長有游人悲晉  
惠強脩遺廟學秦皇丹砂久窖井水赤白木誰燒丹  
竈香聞道神僊亦相過直疑回叟是庚桑

九月二十日微雪懷子由第二首

岐陽九月天微雪已作蕭條歲暮心短日送寒砧杵  
急吟官無事屋廬深愁腸別後能消酒白髮秋來已  
上簪近買貂裘堪出塞忽思乘傳問西深

江上同舟詩滿篋鄭西分馬涕垂膺未成報國慙書  
劔豈不懷歸畏友朋官舍度秋驚歲晚寺樓見雪與  
誰登遙知讀易東窻下車馬敲門定不應

病中聞子由得告不赴商州三首

病中聞汝免來商旅鷹何時更著行遠別不知官爵  
好思歸苦覺歲年長著書多暇真良計從宦無功謾  
去鄉惟有王城最堪隱萬人如海一身藏

近從章子聞渠說苦道商人望汝來說客有靈慙直  
道逋翁久沒獸凡才夷音僅可通名姓瘦俗無由辨  
頸顯答策不堪宜落此上書求免亦何哉章子博也  
辭官不出意誰知敢向清時怨位卑萬事悠悠付杯  
酒流年冉冉入霜髭策曾忤世人嫌汝易可忘憂家  
有師此外知心更誰是夢魂相覓苦參差

和子由寒食

寒食今年二月晦樹林深翠已生煙遠城駿馬誰能  
借到處名園意盡便但挂酒壺那計餞偶題詩句不  
須編忽聞啼鴉驚羈旅江上何人治廢田

七月二十四日以久不雨出禱磻溪是日宿  
魏縣二年五日晚自魏縣渡渭宿於僧舍曾  
閣閣故曾氏所建也夜久不寐見壁有前縣  
令趙薦留名有懷其人

龕燈明滅欲三更欹枕無人夢自驚深谷留風終夜  
響亂山啣月半床明故人漸遠無消息古寺空來看  
姓名欲向磻溪問姜叟僕夫屢報斗杓傾

二十六日五更起行至磻溪未明

夜入磻溪如入峽照山炬火落驚猿山頭孤月耿猶  
在石上寒波曉更喧至人舊隱白雲合神物已化遺

蹤蜿安得夢隨霹靂駕馬上傾倒天瓢翻

周公廟廟在岐山西北七八里廟後百許步

有泉依山湧冽異常國史所謂潤德泉世亂

則竭也

吾今那復夢周公尚喜秋來過故宮翠鳳舊依山碑  
兀清泉長與世窮通至今游客傷離黍故國諸生詠  
雨濛牛酒不來烏鳥散白楊無數暮號風

自興平鎮游樓觀五郡大秦延生仙游往返

四日得十一詩寄子由同作

餘見別卷

樓觀

鳥噪猿呼晝閉山門寂寥誰識古皇尊青牛久已辭轅  
輓白鶴時來以子孫山近朔風吹積雪天寒落日淡  
孤村道人應以山游人衆汲盡塔前井水渾

五郡

古觀正依林麓瓦斷居民來就水泉甘亂溪赴渭爭趨  
北飛鳥迎山不復南羽客衣冠朝上象野人香火祝  
春蠶汝師豈能言符命山鬼何知託老聃聊言夢  
長以享國之意

授經臺南山二峯耳

劍舞有神通草聖海山無事化琴工此臺一覽秦川

小不得傳經意已空

十二月十四日夜微雪明日早往南溪小酌

至晚

南溪得雪真無價走馬來看又未消獨自披榛尋履  
迹爭先犯曉過朱橋惟憐屋破眠無處坐覺村飢語  
不囂惟有莫鴉和客意驚飛千片落寒條

和子由·木山引水二首

蜀江久不見滄浪江上枯槎遠可將去國尚能三犢  
載汲泉何愛一丈忙崎嶇好事人應笑冷淡為歡意  
自長遙想納涼正河夜永窓前微月照汪汪

千年古木卧無心相浪卷沙翻去似瓢幾度過秋生  
蘚暈至今流潤應一江潮法然疑有蛟龍吐斷處人言霹  
靂焦材大古來無適用不須鬱鬱慕山苗

寄題興州晁太守新開古東池

百畝新池傍郭斜居人行樂路人誇自言官長如靈  
運能使江山似永嘉縱飲坐中遺白恰幽尋盡處見  
桃花不堪山鳥號歸去長遣王孫苦憶家

華陰寄子由

三年無日不思歸夢裏還家旋覺非臆酒送寒催去  
國東風吹雪滿征衣三峯已過天浮翠四扇行看日

照扉里堦消庭心不禁盡速携家餉勞驂駢

和董德川留別

簾繒大布畏工涯腹有詩書氣自華  
歌伴老儒烹瓠葉強隨舉子吹  
堦槐花囊空不辨尋春馬眼亂行看擇  
堦車得意猶堪誇世俗詔黃新濕字如鴉

次韻柳子玉見寄

薄雷輕雨曉晴初陌上春泥未濺裾  
行樂及時維有酒出門無侶且設看書  
遙知寒食催歸騎定把鷓鴣夷載  
後車他日見公邀須強起不應辭病似相如

次韻王誨夜坐

愛君東閣能延客顧我閑官不計負  
簪小杖頻過如未厭卜居相近豈辭  
遷莫將詩句驚搖落漸喜鐫疊省  
撰緣待約月明池上宿夜深同看水中天

傳堯俞濟源草堂

微官共有田園興老罷方尋隱退廬  
栽種成陰十年事蒼皇求買萬金無  
先生一築臨清濟喬木如今似  
畫圖鄰里亦知偏愛竹春來相與護  
龍雛

和柳子玉過陳絕糧二首

風雨瀟瀟夜晦迷不須嗚叫強知時  
多才久被天公恠闕食惟應爨婦知  
杜叟挽衣那及脛顏翁食粥敢

言炊詩人情味真嘗遍試問於君底事虧  
如我自觀猶可馱非君誰復肯相尋圖書跌宕悲年  
老燈火青笑語夜深早歲便懷齊物意微官敢有濟  
時心南行千里成何事卧聽秋濤萬鼓音

壽州李定少卿出餞城東龍潭上

山鴉噪處古靈湫亂沫浮涎遠客舟未暇然犀照竒  
鬼欲將燒燕出潜蚪使君惜別催歌管村巷驚呼聚  
獲猴此地他年頌遺愛觀魚并記老莊周

龜山

我生飄蕩去何求再過龜山歲五周身行萬里半天

下僧卧一庵初白頭地隔山原勞北望湖連滄海欲  
東游元嘉舊事無人記故畧工推頰今在不將拒魏遣

賦築城

次韻楊褒早春

窮巷淒涼苦未和君家庭山阮得春多不辭瘦馬騎衝  
雪來聽佳人唱踏莎破恨不任頰頰增年誰復怨  
羲娥良辰樂事古難並白髮青衫我亦歌細雨郊園  
聊種菜冷官門戶可張羅以以朝三日君恩重睡美不  
知身在何

次韻柳子玉二首地爐紙帳



細聲蚯蚓發銀鉞擁褐橫眠天未明衰鬢鑷殘歌雪  
領壯心降盡倒風旌自稱日竈鎔銖火倦聽山城長  
短更聞道床頭惟竹几夫八應不解卿卿俗謂竹几  
亂紋龜殼細相連慣卧青絳恐未便索似僧巾白氎  
布暖於蠻帳紫茸氈錦衾迷卷持還客破屋那愁仰  
見天但恐嬌兒還惡睡夜如沐踏裂不成眠

和劉道原見寄

敢向清時怨不容直嗟吾道迫與君東坐談足使淮南  
懼歸去方知冀北空獨鶴不須驚夜旦群鳥未可辨  
雌雄廬山自古不到處得與幽人子細窮

和劉道原詠史

仲尼憂世接輿狂臧穀雖殊竟兩亡吳客謾陳豪士  
賦桓侯初笑越人方名高不朽終安用日飲無何計  
亦良獨掩陳編吊興廢窻前山雨夜浪浪

和子由柳湖久涸忽有水開元寺山茶舊無  
花今歲盛開二首

太昊祠東鐵墓西一樽曾與子同携回瞻郡閣遙飛  
檻北望檣竿半隱堤飯豆羹藜思兩鵠飲河喫水賴  
長蜺如今勝事無人共花下壺盧烏勸提  
長明燈下石欄干長共杉松闔歲寒葉厚有稜犀甲

健花深少態鶴頭丹久陪方丈曼陀雨羞對先生首  
霜盤雪裏盛開知有意明年歸後更誰看

次韻歐陽少師會老堂

一時冠蓋盡嚴終舊德年來豈易逢  
聞道堂中延蓋叟定應床下拜  
梁松蠹魚自驪閑箱篋科斗長收古  
鼎鍾我欲棄官重問道寸筵何以得春客

宿水陸寺寄北山清順僧二首

草沒河堤雨暗村寺藏脩竹不知門  
拾薪煮藥伶僧病掃地燒香淨  
客魂農事未休侵小雪佛燈初上報  
黃昏年來漸識幽居味思與高人到榻論

長嫌鍾鼓聒湖山此境蕭條却自然  
乞食遠村真爲飽無言對客本非禪  
披榛覓路衝泥入洗足關門聽  
雨眠遙想後身窮賈島夜寒應從耳作詩肩

送張軒民寺丞赴省試

龍飛甲子盡豪英常喜吾猶及老成人  
競春闈賦秋菊天教明月伴長庚  
去得家各自聞詩禮與子相逢亦  
弟兄洗眼上林看躍馬賀詩先到古宣城  
翰歌騷

讀同辭其子他笑

和致仕張郎中春晝

投絃歸來萬事輕銷去若不盡  
抵風情舊因尊菜求長

假新為楊枝作短行不禱自安緣壽骨深藏難沒是  
詩名淺斟盃酒紅生烟細琢歌詞穩稱聲蝸殼卜居  
心自放蠅頭寫字眼偏明盛衰閱過君應笑寵辱年  
來我亦平跪履數從此下老逸書閑問濟南生東風  
屈指無多日只恐先春鷓鴣鳴

和邵同年戲贈賈收秀才三首

傾蓋相歡一笑中從未未首馬牛風卜鄰尚可容三  
徑投社終當作兩翁古意已將蘭緝佩招詞閑詠桂  
生叢此身自斷天休問白髮年來漸不公  
朝見新萸出舊槎騷人孤憤苦思家五噫處士太窮

約三賦先生多誕夸帳外鶴鳴奩有鏡筒中錢盡按  
無鮭玉川何日朝金闕白晝關門守夜叉時賈欲  
生涯到處似檣烏科第無心摘領鬚黃帽刺舡忘歲  
月白衣擔酒慰鰥孤狂公欺病來分粟水伯知饒為  
出鱸莫向洞庭歌楚曲煙波渺渺正愁予

莘老葺天慶觀小園有亭北向道士山崇說

乞名與詩

春風欲動北風微歸鴈亭邊送鴈歸蜀客南游家最  
遠吳山寒盡雪先晞扁舟去後花絮亂五馬來時賓  
從非惟有道人應不忘抱琴無語立斜暉

秀州報本禪院鄉僧文長老方丈

萬里家山一夢中  
吳音漸已變兒童  
每逢蜀叟談終日  
便覺峨眉翠掃空  
師已忘言真有道  
我除搜句百無功  
明年採藥天台去  
更欲題詩滿浙東

宋叔達家聽琵琶

數絃已品龍香撥  
半面猶遮鳳尾槽  
新曲從翻玉連瑣  
舊聲終愛鬱輪袍  
夢回只記歸舟字  
賦罷雙垂紫錦條  
何異烏孫送公主  
碧天無際鴈行高

祥符寺九曲觀燈

紗籠擎燭迎門入  
銀葉燒香見客邀  
金鼎轉丹光吐  
夜寶珠穿蟻鬧  
連朝波翻焰裏元  
相激魚舞湯中不  
畏焦明日酒醒空  
想像清吟半逐夢  
魂銷

正月二十一日病後述古邀往城外尋春

屋上山禽苦喚人  
檻前冰沼忽生鱗  
老來厭逐紅裙醉  
病起空驚白髮新  
卧聽使君鳴鼓角  
試呼稚子整冠巾  
曲欄幽榭終寒窘  
一看郊原浩蕩春

有以官法酒見餉者因用前韻求述古為移

厨飲湖上

喜逢門外白衣人  
欲膾湖中赤玉鱗  
游舫已粧吳榜穩  
舞衫初試越羅新  
欲將魚釣追黃帽  
未要靴刀抹

絳巾芳意十分強半在爲君先踏水邊春

新城道中二首

東風知我欲山行吹斷簷間積雨聲  
嶺上晴雲披絮帽樹頭初日挂銅鉦  
野桃含笑竹籬短溪柳自搖沙水清  
西崦人家應最樂煮芹燒笋餉春耕

身世悠悠我此行溪邊委雪聽溪聲  
散材畏見搜林斧疲馬思聞卷旆鉦  
細雨足時茶戶喜亂山深處長官清  
人間岐路知多少試向桑田問耦耕

寒食未明至湖上太守未來兩縣令先在

城頭月落尚啼烏烏榜紅舷早滿湖  
鼓吹未容迎五

馬水雲先已颺雙鳧映山黃帽螭頭舫  
夾道青煙鵲尾爐老病逢春只思睡  
獨求僧榻寄須臾

次韻孫莘老見贈時莘老移廬州因以別之

爐鎚一手賦形殊造物無心敢望渠  
我本疎頑固當尔子猶淪落況其餘  
龔黃側畔難言政羅趙前頭且眩書  
莘老親書至不工惟有陽關一杯酒  
慙慙重唱贈離居

自昌化雙溪館下步尋溪源至治平寺二首

亂山滴翠衣裘重雙澗鄉音空窻戶  
搖飽食不嫌溪笋瘦穿林閑覓野芎  
苗却愁縣令知游寺尚喜漁人爭

渡橋正似醴泉山下路桑枝刺眼麥齊腰

每見田園輒自招倦飛不擬控扶搖共疑楊惲非鉏

豆誰信劉章解立苗老去尚飡彭澤米夢歸時到錦

江橋官游莫作無家客舉族長懸似細腰

會客有美堂周邠長官與數僧同泛湖往北

山湖中聞堂上歌笑聲以詩見寄因和二首

時周有服

鷲鷲君詩似嶺雲從來不許醉紅裙不知野屐穿山

翠惟見輕橈破浪紋頗憶呼盧袁尹道難邀罵坐灌

將軍皆取也其晚風落日元無主不惜清涼與子分

載酒無人過子雲掩關晝卧客書裙歌喉不共聽珠

貫醉面何因作纈紋僧侶且陪香火社詩壇欲斂鶴

鵝軍憑君徧遶湖邊寺漲淥晴來已十分

立秋日禱兩宿靈隱寺同周徐二令

百重堆案掣身開一葉秋聲對榻眠床下雪霜侵戶

月枕中琴筑落堦泉崎嶇世味嘗應遍寂寞山棲老

漸便惟有閔農心尚在起占雲漢更茫然

病中獨游淨慈謁本長老周長官以詩見寄

仍邀游靈隱因次韻答之

卧聞禪老入南山淨掃清風五百間我與世疎宜獨

往君緣詩好不容攀自知樂事年年減難得高入日  
日閑欲問雲公覓心地要知何處是無還

癸丑春分後雪

雪入春分省見稀半開挑杏不勝威應慙落地梅花  
識却作漫天柳絮飛不分東君專節物故將新巧發  
陰機從今造物尤難料更暖須留御臘衣

蘇文心公集卷第二十

